

張三丰全書

中原書局印行

三丰祖師全集序

古來一隱一見而不失其正道者其惟至人乎能隱而不能見則閒冷之意深於世無益也能見而不能隱則消磨之日甚於己無成也雖然出而霖雨入而煙霞豈遂枯寂無為乎抑非也上真隱世復度世目人不附人是又隱見之神奇者耳我三丰祖師具知幾之明存正誼之理其為儒道也身可道亦可退其為仙道也身能飛亦能潛進退飛潛之間即猶龍之大道也錫齡風塵俗吏未省根源幼讀儒書只期用世今倦矣將長往雲山與安期羨門遊矣曩者官南劍擢永北宦潮疊起塵海憂勞幸遇我祖師名言提警招齡至前而語之曰今

聖人在上下有賢宰輔名公卿相與佐治子無忘蓬山共處時也退而思之始大覺焉夫當此昌期詎甘歛落但念九州馳驅如齡等輩者得之不多失之不少何苦長罹世網也因將我祖師丹經二卷詩文若干篇夙夜尋求以圖解脫暇則夢寐聞山水間鸞鶴聞復蒙祖師面示謂其道始於太上而祖於希夷隱則隱見則見有隱中之見有見中之隱斯無隱之非見無見之非隱總不趨謁君公高談金石而為方術者流也齡乃記祖師顯蹟三十餘則藏之其玄機妙旨有所親得者存其文而畧存口訣恐其即於漏洩也他日齡凌風萬里跨鶴三山此書又付何人哉

雍正元年小卯之月

誥授通議大夫河南全省河道副使夢九汪錫齡稽首薰沐謹撰

序

有明之初仙人輩出南昌周顛仙臨川張景華協律郎冷啟敬是皆默觀景運翊贊奇動者然其嬉笑神奇震動天子方士即沿此欺人也張三丰先生跨遼東鶴籟前北雲以文學才識受知廉平章奏補縣令旋復致仕歸家從赤松子遊至正間先生已浩然有得矣道光初余歸自於浙今秉鐸嘉陽每當課士之暇輒愛養生之書常於李子齋頭得故劍南觀察汪夢九先生所藏三丰全集然後知文章出處清矯不群是亦鄉塚中秘典也李生以其書歷年既久腐不堪披亟欲梓而存之並搜名山碑版道院抄存者以補其闕由是郁郁然成一家言也昔宋太宗謂諸臣曰華山陳搏獨善其身不干勢利可謂方外士矣三丰其能紹希夷之風者歟賜進士出身翰林院庶吉士知浙江青田縣事嘉定府教授董承熙謹

敘

嘗讀呂祖全書自全唐詩律及歷朝遺蹟釐然備載所以振元風而詔後學也張三丰先生道德崇高元微莫測文章浩瀚利濟無方與呂祖無異者也其書曾列於前明永樂時久而板壞然其散見於他書者亦不少矣夫呂祖之書成於涵三豈先生之書竟聽其散佚乎或者時之未至也

國初汪公夢九觀察劍南時先生顯化於署中其輯兵愛民諸善政得之先生者為多夢九藏舊本拾遺文將付梓並欲與巡撫奏請立祠均未果蓋其時亦將至矣長乙山人遊園居士忘

名利者也得先生書於夢九六世孫名曇者之家十存七八因採諸書以補之壽諸梨棗以成夢九欲遂之志焉雖齋居絃誦未徧歷武當寶雞諸名勝搜羅真蹟纖悉弗遺然觀集中本末終始郁郁大成寔與呂祖全書相伯仲即有遺佚無妨續補也前明之訪先生也側席旁求十餘年而不得先生獨以隱世濟世維氣運於人所不知之地纖塵不染高不可攀高真上聖莫過於此明君且以通微顯化封之明史竟以方伎未流例之誤矣讀此集者見先生於文字中復見先生於文字外已飄飄乎欲仙矣會心人自領之耳

敬

賜進士出身內閣中書改保寧府教授致仕西來李迥秀謹啟

程子謂却病延年則有白日飛昇則無歐陽公謂養生之術則有神仙之事則無余以為却病養生即仙道也黃庭經云仙人道士非有神積精累氣以成真誠平允之論哉今夫谷虛境也神靈覺也虛靈不昧則成儒谷神不死則成道仙何異焉三丰先生在元明鼎革間獨全性命於亂世不求聞達於諸侯深造以道欲其自得默念州縣勞人幣書招我皆所以蔽虛靈而損谷神也屏之棄之避之藏之真所謂世有神仙彼必深潛崖壑惟畏人知者先生之節貞矣風雲可眠非徒却病鬚眉不老何但養生先之有日月之明大之有滄海之水又不知有脫殼生翰白日昇飛成仙於青霄之外者哉雍正初汪公夢九觀察劍南先生以法身顯化其署即謂五百年猶在人間可也公知神仙之道信而有徵於是以先生文章出處輯為成書蓋欲與却

病延年者大其觀也卓庵劉君得汪書而補紀之刊版傳世後之頌其詩讀其書者應知仙道之不虛也夫

道光甲辰七夕長乙山人涵虛生敬

凡例十二則

一此書訪輯知多遺漏然其詩古文詞鑑論經訓皆宗三教之旨以垂百世之言亦涵三宮所云呂祖全書輯未全而義則全也故曰全集

一出處顯化凡子虛烏有院本浮談之類皆所不取茲特取史志記簿道門冥錄者以為鑑觀

一先生法像見於石刻者甚欲盡傳難以描寫今茲特取立坐行眠臨成四幅從簡賅也

一正款顯蹟彙記諸篇前後有互見者其詳略却自不同閱者首尾參觀則先生之冥事益見

一此書得於他處所刻黃冠所抄者類多訛誤惟汪本特為近善茲刻凡係汪仙所藏者必題圓通道人藏本誌自來也

一雲水前集皆係先生住世時所作編年紀月如見平生其有散見於各省志傳者皆集中之作也故不注某詩見某志

一雲水後集三集一係度汪仙時所作一係住空青時所作故仍以編年序之紀神遊也聞他處有先生亂沙恐其人鬼雜出難以盡信間有可信者則錄於彙記之內正集不敢濫收

一此書前刻大版各部頂批失落者甚多並且篇頁錯亂內有雲水詩集難以清正近有張之洞者督學四川捐貲翻刻袖板校正無訛亦且便於行篋凡此刊補遺盡皆編次其中

一此書內有靈寶畢法丹經乃修仙之捷徑凡讀此經者盡心修身金丹大道有何難哉

一玄要篇詩古道情別刻混為一卷茲照汪仙藏本分詩古為上卷道情為下卷其不與雲水詩相參者雲水係先生事蹟玄要乃先生道言也

一明史文翰類所載道書目其中有先生金丹直指一卷又金丹秘訣一卷即今大道論玄機直講與玄要篇也又名節要又名捷要俱見神仙通鑑茲照汪仙所藏先生自訂者名之不復更易

一此書雕成之後專望博雅君子爰訪古人編輯搜軼補附卷末再有所得依此續之

張三丰先生全集總目

一卷 序 誥 傳 仙派 正訛 顯蹟

二卷 古文 隱鑑

三卷 大道論 玄機直講 道言淺近

四卷 玄要篇上 玄要篇下 補遺

五卷 雲水前集 雲水後集 雲水三集

六卷 天口篇 訓世文

七卷 九里經 三教經 度人經 菩提經 鐘偈

八卷 水石閒談 古今題贈 隱鏡 彙記

九卷 無根樹二註

附鍾輯靈寶畢法

附呂祖海外仙蹟

總目

大元遺老大明風漢招
之不來寬之不見得樂
天懷廣度人願九州
往來浩乎無岸



三才賢統天

外一人乾坤道佳日月精神

方冠一領破袖一身韜光胸

結處士仙真



蒲團不要坐石觀書三教合講
象皆虛圓之韻之印之乃以菩提
相先生有諸



一生全書

一

是真神仙西善打睡是真
打睡乃知睡味花沟蓑衣
月節林罕華山瑩然可
其二昧



張三丰先生全集卷之一
漢嘉長乙山人李西月重編

閩中朱道生晚成子敬刊

張道淵子深氏敬書

姪 瑛春城

朱 璜素園全校字

男 璜礪溪

明天順皇帝勅封誥命

奉

天承運皇帝制曰。朕惟仙風道骨。得天地之真元。秘典靈文。集陰陽之正氣。願長生久視之學。成超凡入聖之功。曠世一逢。奇蹤罕見。爾真人張三丰。芳姿穎異。雅志孤高。得仙籙之秘訣。餌金鼎之靈膏。去來倏忽。實得造化之機。隱顯微芒。脗合乾坤之妙。茲特贈爾為道微顯化真人。賜之誥命。以示褒崇。尚期指教。式惠來英。

寶誥一

元朝名士天師後昆。鶴骨珊珊。龍髯拂拂。非百里之小才。得一官而勇退。出遼東而訪道。入終南而過師。笠穿衲。傲寒暑不侵。果熟丹成。縱橫自在。託歌詞而談道。響徹雲霓。藉塵垢而隱真人。稱遺過。玉樞宣詔。金殿飛身。玄妙無方。隱顯莫測。大忠大孝。大慈大悲。南極會上。羣仙領袖。玄玄演正。武當繼武。真君。

寶誥三

始青一炁。教闡十方。積功勳於大明。度衆生於塵市。過天龍而細參至道。入武當而調養谷神。混俗和光。經緯五載。入山面壁。考驗九年。大廷朝駕。顯飛昇。名山谷洞。留仙蹟。方方開化。處處設壇。演金科。流傳萬世。證金丹。度盡後學。大悲大願。大慈大仁。至靈至聖。至公至明。羣真一元。始祖廣慈。普度真君。通微顯化。天尊。

寶誥三

中山舊令。上清律仙。廣三千之功行。證十二之圓通。擅神靈變化之奇。精符篆龍蛇之體。道高德重。煉人元而兼統地。元和光同。塵潛玩世。而即行度世。尋有德之人人。人得度。種無根之樹。樹樹皆空。誦先天之妙旨。為後進之梯航。大悲大願。大聖大慈。武當繼教。掌法仙師。靈寶真人。天雷主宰。玄玄演道。飛龍濟世。真人。道微顯化天尊。

寶誥四

至真傳道。太清選仙。居武當而啟教。為文始之正傳。如癡如醉。混仙跡於麗春。教孝教忠。闡玄風於華夏。度萬三於滇海。塔女同昇。續龍虎之神通。道法兼備。十方寶筏。三教宗師。大悲大願。大慈大仁。至玄至妙。至奇至神。東華首相。三清外臣。雷霆神吏。靈寶天師。太和一炁。始祖道通。文遠真君。道微顯化天尊。

寶誥五

玉虛上相。金闕高真。德暢人神。經開井鬼。廣三千之功行。醒億萬之沈迷。昔從元微而成真。今繼玄天而闡化。扶正教無黨無偏。闢旁門有聲有色。誅殺乾坤之方士。挽回道德之宗風。指先天而對月。招後進以升雲。道妙無方。玄微莫測。至靈至聖。至大至尊。體合自然。神凝般若。若三教真宰。一氣權衡。參法天師。洞玄帝君。猶龍六祖。隱仙厲化。虛微普度天尊。

參禮如來宣賜佛號並讚

神光照照。性海澄清。在塵出塵。隱世度世。現醫身而扶危。拔困揭大眾。而闡道傳經。果證大羅金仙。道比達磨尊者。大仁大願。大慈大悲。三丰真師。救難天尊。選過靜光佛菩薩摩訶薩。

列傳

明史

張三丰。遼東懿州人。名全一。一名君實。三丰其號也。以其不飾邊幅。又號張邈。過頰而偉。龜形鶴骨。大耳圓目。鬚髯如戟。寒暑惟一袖一蓑。所啖升斗輒盡。或數日一食。或數月不食。書過目不忘。游處無恒。或云

能一日十里善嬉諧。若無人嘗遊武當諸巖壑。語人曰：此山異日必大興。時五龍南巖紫霄俱燬於兵。三丰與徒去荆榛，開瓦礫，創草廬居之。已而舍去。太祖故聞其名。洪武二十四年，遣使覓之，不得。後居寶雞之全臺觀。一日自言當死，留頌而逝。縣人具棺殮之。及葬，聞棺內有聲。啟視，則復活。乃游四川，見蜀獻王復入武當。歷襄漢，踪跡益奇。幻永樂中成祖遺給事中胡濙，偕內侍朱祥齋，璽書香幣往訪。遍歷荒徼，積數年不遇。乃命工部侍郎郭璉、隆平侯張信等督丁夫三十餘萬人，大營武當宮觀，費以百萬計。既成，賜名太和太岳山，設官鑄印以守。竟符三丰言。或言三丰金時人，元初與劉秉忠同師，後學道於鹿邑之上清宮。然皆不可攷。天順三年，英宗賜誥，贈為通微顯化真人，終莫測其存否也。

列傳 見徵異錄

孤園居士

張選，通名君實，字鉞一，別字立玄，遼東懿州人。張仲安第五子也。丰姿魁偉，龜形鶴骨，大耳圓目，鬚髯如戟，項作一髻，自號保和容忍。三丰于手執刀尺，寒暑惟衣一衲，或處窮寂，或游市口，浩浩自如。旁若無人，有問之者，終日不答一語。及與論三教經書，則吐辭淅淅，皆本道德。忠孝每遇事輒先知，或三五日，或兩月始一食。然登山如飛，或隆冬卧雪中，鞫軒如雷。時人咸異之，因呼為張選。選元末居寶雞金台觀，嘗一日辭世而逝，從者為棺殮。及窆，發視之，復生。乃入蜀，抵秦游襄鄧，往來長安，歷隴岷，甘肅。洪武初入武當，登天柱峯，徧歷名勝，使弟子邱元請任五龍廬。秋雲住南岩，劉古泉、楊善登住紫霄，乃自結草廬於展旗峯北。曰：遇真宮，草庵於土城，曰會仙館，令弟子周真守之。洪武庚午，拂袖長往，不知所之。明年太祖遣三山道士請造朝，了不可見。或而住青州雲門洞，永樂初遣給事中胡濙指揮楊永吉等物色之，不得。十年二月，成祖為書詔道士元虛子往武當。於立玄舊遊處建道場焚書，翼有聞焉，不獲。仍御製詩賜之。有若遇真仙，張有道，為言踰躅長相思之句。天順末，或隱或現，上聞之，封通微顯化真人。後往來鳴鶴山，半年不知所終。

列傳 見七修類稿

明邱璜

傳 攷記

張仙名君實字全一遼東懿州人別號玄玄又號保和容忍三丰子時人又稱張邁邁天順三年曾來謁帝子見其像鬚鬢豎上一髻背垂面紫大腹而携笠者上為錫誥之文封為通微顯化大真人

列傳淮南雜記

明陸西星

三丰老仙龍虎裔孫也其祖裕賢公學能兼占象移家於金之懿州與子昌隱於民間及懿為元人所拔始稍稍以名字聞然昌公固優游世外者也夫人林氏先以二乳生四子曰邁曰遊曰道曰遠皆早歿既更與二子曰邁曰遠通即老仙也降誕之夕林夢斗母元君手招元鶴止屋長嘯三聲而驚寤遂就禱焉幼有異質長負才藝遊燕京故交劉東忠見而奇之曰真仙才也默挈之久乃得一宰於中山苦寒之地以丁夏歸遂不復出嘗言富貴如風燈草露先陰似雨雷浮漚乃決志求道訪師終南得聞大龍妙諦漸乃詳私垢污人不能識生於詩文每起稿於樹皮苔肉茶湯七著間積數十年猶能記誦然未嘗錄以示人也故元朝文藝中無有知者予道意孫鳴鸞鳴鶴鸞入明初遷淮揚六世孫花谷道人即孫與余為方外友其家有林園之勝老仙嘗至其家叩以當年軼事則書雲遊詩若干篇寶誥數章丹訣一函命藏之花谷每為余言不勝使人遐想也

三丰先生本傳

汗錫齡敘述

三丰先生姓張名通字君實先世為江西龍虎山人故嘗自稱為天師後裔祖父裕賢公學精星算南宋末知天下王氣將從北起遂携本支眷屬徙遠陽懿州有子名居仁亦名昌字子安仲好號白山即先生父也壯負奇氣元太宗收召人才分三科取士子安赴試策論科入選然性素恬淡無仕宦情終其身於林下定宗丁未夏先生母林太夫人夢元鶴自海天飛來而誕先生時四月初九日子時也丰神奇異艷形鶴骨大耳圓睛五歲日染異疾積久漸昏其時有張雲庵者方外異人也任持碧落宮自號白雲禪老見先生奇之曰此子仙風道骨自非凡器但目遭魔障須拜貧道為弟子了脫塵翳慧珠再朗即送還太夫人許之遂投雲庵為徒靜居半載而目漸明教習道經過目便曉有暇兼讀儒釋兩家之書道手披覽

會通其大意即止。忽忽七載。太夫人念之。雲庵亦不留。遂拜辭歸家。專究儒業。中統元年。舉茂才異等。二年。稱文學才識。列名上聞。以備擢用。然非先生素志也。因顯揚之故。欲效毛盧江捧檄意耳。至元甲子。秋。游燕京時。方定鼎於燕。詔令舊列文學才識者待用。栖遲燕市。聞望日隆。始與平章政事廉公希憲識。公異其才。奏補中山博陵令。遂之官。政暇訪葛洪山相傳。為雅川修煉處。因念一官蕭散。頗同勾漏。予豈不能似雅川。越明年而丁艱矣。又數月而報復矣。先生遂絕仕進意。奉諱歸遼陽。終日哀毀。覓山之高潔者。營厝甫畢。制居數載。日誦洞經。倏有邱道人者。叩門相訪。劇談玄理。滿座風清。洒然有方外之想。道人既去。因束裝出游。田產悉付族人。囑代掃墓。挈二行童相隨。北燕趙。東齊魯。南韓魏。往來名山古剎。吟咏閒觀。且行且住。如是者幾三十年。均無所遇。乃西之秦隴。挹太華之氣。納太白之奇。走褒斜。度陳倉。見寶雞山澤幽邃而清。乃就居焉。中有三尖山。三峯挺秀。蒼潤可喜。因自號為三丰居士。延佑元年。年六十七。殆入終南。得遇火龍真人。傳以大道。更名玄素。一名玄化。合號玄玄子。別號昆陽山居。四載。功效寂然。聞近斯道者。必須法財兩用。平生游訪。兼頗好善。囊篋殆空。不覺淚下。火龍怪之。進告以故。乃傳丹砂點化之訣。命出山修煉。立辭恩師。和光混俗者數年。奉定甲子春。南至武當。調神九載。而道始成。於是湘雲巴雨之間。隱顯遨遊。又十餘歲。乃於至正初。由楚還遼陽省墓。訖復之燕市。公卿故交。死亡已盡矣。遂之西山。過前邱道人談心話道。促膝參同。方知為長老先生符陽子也。別後復至秦蜀。由荆楚之吳越。僑寓金陵。西南也。仍還秦。居寶雞金台觀。九月二十日。陽神出游。土人楊軌山。以先生辭世。買棺收殮。臨窆之際。柩有聲如雷。啟視復生。蓋其陽神出游。撲厚者見之。以為究其死矣。後乃携軌山。遊去。又二年。滄桑頓改。海水重清。元紀忽終。明運又啟。先生乃結庵於太和。故為瘋漢。人目為遺通道人。道士邱元靖。安靜可喜。秘收為徒。他日入成都。說蜀王椿入道不聽。退還襄鄧間。更莫測其蹤跡矣。洪武十七年甲子。太祖以華夷賓服。詔求先生不赴。十八年。又強沈萬三敦請。亦不赴。蓋帝王自有道。不可以金丹金液。分人主勳精圖。

治之思。古來方士釀禍。皆因游仙入朝。為厲之階。登聖真者。決不為唐之葉法善。宋之林靈素也。前車可鑒矣。二十五年。乃邀入雲南。適太祖徙萬三於海上。緣此踐約來會。同煉天元。服食大藥。明年成。始之貴州。平越。福泉山朝真禮斗。候詔飛昇。建文元年。完璞子訪先生於武當。適從平越歸來。相得甚歡。永樂四年。侍讀學士胡廣奏言。先生深有道法。廣具神通。五年丁亥。即命胡濙等遍游天下。訪之。十年壬辰。又命孫碧雲於武當建宮拜候。並致書相請。直達十四年。並不聞有蹤跡。帝乃怒。謂胡廣曰。卿言張三丰。蘊抱玄機。胡弗敢來見朕也。斥廣尋覓之。廣大懼。星夜抵武當。焚香泣禱。是年五月朔。為南極萬壽。老君命諸仙及期大會。時先生亦在詔中。遂與玄天官屬御氣同行。適見胡廣情切。乃按雲車。許以陸見。入朝後。即赴上清之命。飄然而去。明年胡濙等還朝。終未得見先生也。吾師乎。吾師乎。其隱中之仙乎。其仙中之神乎。其神仙而天仙者乎。繼荷

玉詔。高會羣真。位列兖宮。身成乾體。故能神通變化。濟世度人。四圍上下虛空。處處皆鸞膠所至。將所謂深藏宏願。廣大法門者。呂祖之後。惟先生一身而已。錫齡風塵俗吏。幾忘結本原。觀察劍南。又鮮仁政。濫叨厚祿。辜負

皇恩。兩年來。曦天少見。水潦頻增。齡乃跣足剪甲。恭禱眉山之靈。拈香七日。晴光普照。畫景遙開。奇峯異水間。幸遇先生鑿齡微忱。括齡入道。並示丹經秘訣一章。及捷要篇二卷。照法修煉。始識玄功。因此悔入宦途。游情山水。適乃自出清俸。結廬凌雲。未知何年何日。蟬脫塵網。採瑤花。奉桃實。敬獻先生也。齡侍先生甚久。得悉先生原本。又甚詳。爰洗濁懷。恭為紀傳。以付吾門嗣起者。

三丰先生傳

圓嶠外史

先生遼陽懿州人也。名號屢更。游行無定。人多不測其踪。劉秉忠同師於前。廉希憲薦判於後。至元間。以宰官致仕。洪武初年。太祖屢詔不出。蓋其托仙遠遊。以全仕元之節者也。故嘗自稱曰。大元遺老。又嘗自贊曰。大元逸民。君子深慨其神仙名重。遂至掩其孤忠耳。平生訪道。歷盡艱辛。終南過師之後。覓侶求鉛